

مستطابق

محل مطبعه راداره :

جفاله اوغلنده امنيت
سندوغي جوارنده
شنكول يقوشنده
۲۲ نومرو

اخطار :

مسلكيزه ووافق آثار
جديه مع المنونيه
قبول اولنور

درج ايدلهين آثاراعاده اولنماز

دينه ، فلسفه ، علوم ، حقوق ، ادبيات تاريخ ، رسايباندره ، بالخاصه احوال و شئونه اسلامي درجه امت ايدرو هفته ده بر نشر اولنور .

آبونه بدلي

صاحب ومؤسسلري :

ابوالعلا زين العابدين - ح . اشرف اديب
تاريخ تأسيس

درسمادته نسخهي ۵۰ باره در

قبرله دن مقوا بورو ايله كوندريليرسه سنوي
۲۰ غروش فضله آلير

سنه لکي	التی آيلی	غروش
۶۵	۳۵	۳۰
۶۰	۳۰	۲۰
۱۷	۹	۱۷

۱۰ تموز ۳۲۴

آلتنجي جلد

۶ ربيع الآخر پنجشنبه ۲۴ مارت ۳۲۶

عدد : ۱۳۵

نفسیه شریف

انوار تدران

۲۷ - الذين ينقضون عهد الله من بعد ميثاقه ويقطعون ما امر الله به ان يوصل ويفسدون في الارض اولئك هم الخاسرون.

[جناب منزل الفرقان آيت سابقه ده بعوضه وامثالي کي متظرفين اهل ضلال نزدنده حقير عد اولنان مخلوقات ايله مثل ضربني ، وحی منزلي انکاره وسيله اتخاذ ايدن مکشتمکان ره هدايتي فسوق ايله توصيف ايلدکن صکره شمدي ده انلرک حالات فسوقدن اولمق اوزره توثيق ايدلمش عهدي نقض ايلدکاري ووصلي واجب اولان اموري قطع ايتدکاري وروي زمينده افساد ايله پويان اولدقاري بيان ايدوب بوسيلاردن طولاني انلرک اوزرينه تسجيل خسران ايدرک شويله بيوربور [اوفاسقارک] عهدالهي ميثاقتدن صکره [او عهد و پيماني توثيق ايدن احوال وکيفياتدن صکره] نقض ايدرلر [خالق تعالي حضرت تربنک مخلوق حقه ده جاري سنن الهيه سي اولوب عقل وحواس احسانيله کنديلري بوسنن الهيه ي فهم وادرا که قابل بر صورتده ياراديله رق بوجه ايله عهد فطري توثيق اولمشيکن اوفاسقار مواهب فطريه يني ، نعمت عقلي حسن استعمال ايتيوب بو عهد ي نقض وابطال ايلدکاري کي انبياي عظام حضراتنک مؤيد بواندقاري آيات بينات واحکام محکمت ايله دخي عهد ديني توثيق ايلديکي حالده فساق اهل کتاب بعض انبياي تکذيب ايله بوايکنجي عهدي دخي نقض ايدرلر . حاصل

بونلر نظام فطرتي ونظام هدايت دينيه يني انکار ايله عهدالهي نقض ايدوب بنيه بشريه نك تقويم وانما سي واعضاسنک حد کمال انسانيه ابلاغی خصوصه ده جاري سنن الهيه دائره سنندن خروج ايدرلر . [جناب حقه وصل اولمشي امر ايتديکي اموري قطع ايدرلر] حقوق قرابته مراعاة ايتزلر ، برو تقوي اوزرينه تماون ايتمک ، تواصي بالحق ايلمک ، اخوان اولمق ، اکثريت امتک اجماع ايلديکي اموري التزام ايتمک کي اجتماعات مفروضه يني ترک ايدرلر ؛ موالاته مؤمنيندن اعراض ايدرلر ، تصديقه کرک انبياي عظام عليهم السلامک وکرک کتب منزله نك اره سني تفريق ايدرلر . جناب اقدس عزشانه بوامورک وصالني امر ايتمشيکن اوفاسقار خلاف امر رباني حرکت ايله بووصلي قطع ايدرلر [وروي زمينده افساد ايدرلر] بوفاسقار اعدل احوال مکلفين بولسان ايمانندن ناسي منع و اخبت وجوه معاصي اوله رق حق ايتمک و باعث نظام وصلاح عالم اولان وصلي قطع ايله فسادجويانه حرکت ايدرلر [بونلر] عقللري نظر واستدلالدن وکنديلرينه حيات ابدیه بخش ايدن اموري اقتناصدن مهممل و معطل براقدقاري وحقائق آياتي تأمل ايله انوارندن اقتباس ايدمک یرده آياتي انکار ايدوب طعن و تعريض ايلدکاري وبوفسادلري عموم سکنه اهل ارضه سرايت ايدوب بتون عقائد و اخلاق واعمال ناسي افساد ايدمکي جهته [انجق خاسر درلر] نهدرلو حرکت ايتسلر بوداد وستدلرنده ضرر وزيان ايدرلر ، هيچ بروقت آمال فسادجويانه لرينه نائل اوله مازلر ، هانکي نقاب التده استتار ايلسلر عاقبت مفسدتلري مکشوف اولور . کنديلري دنياه رذيل ورسواي ، آخرتده معذبدرلر .

ميثاق : بر شيك مابه التوثيقنه ، يعني او شيئي باغلايه حق اولان ديگر بر شيئه دينور .

آيت کریمه ده واقع [عهد] لفظ شريفي بر لفظ مجملد ، آيتدن

اول بونك معناسنى اشعار ايدر برشى سبق ايتديكى كې آيتك مابعدنده دخى انى بيان ايدر برشى وارد اولماش سدر . جناب حقك وصل اولمىنى امر ايتديكى شينك ندن عبارت اولديغنه دائر دخى آيتك نه مابعدنده نه مابعدنده بر تفسير وايضاح ورود ايتماشدر . شو حالده بولفظلردن افهام مخاطبينه تبادرايدن ومخلوقات صفيه ايله مثل ضربندن طولايى جراتياب تعريض اولمش اوفاسقلىك احوالندن اغذ اولنه . بيهجك اولان معنى ندر ؟ ديزكه عهدى تفسير ايدن شيدن سكوت اولنهرق انك على اطلاقه ذكر ايدلسى وجناب حقك وصلنى امر ايتديكى امور دخى تفصيل ايديلرك ايضاح اولنهامسى ذات الوهيتك اوفاسقلى انحق متصف بولندقلرى اوصاف ايله توصيف بيوردديغنه دلالت ايدر ؛ وجود خارجى بر لفظ مجملك بيان وايضاحنى تكفل ايدر . نفس الامرده انى لسانيله تفسير ايلرسه ارتقى اولفظ مجمل قولاً بيانه حاجت قالماز - ع .

آيت كريمهده نقض عهد مجمل ذكر بيورلمش اولدينى كې جناب اقدسك وصل اولمىنى امر ايتديكى امورك ندن عبارت اولدينى تفصيل ايديلرك او دخى مجمل ايراد ايدلمشده هر ايكيى برمعنايه اولهرق ايكنجيسى اولكيني تا كيدا ورود ايتمش دكل ، بلكه ماقباني اتماماً وارد اولمش بر وصف مستقندر . امر ايكي نوعدر ؛ برى امر تكوين در كه خلقك اوزرنده جريان ايلديكى نظام وسنن محكمه در . حق سبحانه وتعالى حضرتلرينك تكوينى امر تسميه ايتسى اندن [كن] قول شريفى ايله تبيير بيوردديغى ايجوندر . اوبرى امر تشريع در كه جناب حقك انيياسنه وحى ايدوبده ناسه اخذو تلقيسنى امر ايلديكى شيدر . نتايجى مقدمات اوزرينه ترتيب ايلمك ، ادله يى مدلولانه وصل ايتمك ، منافع ومضارى اشيائك غايتيله بيلمك برنجى نوعندر . شو حالده هر كيم بيغمبرك صدقنه دليل قائم اولمشكين انى انكار ايدر وياخود جناب اقدسك آثار خلقى قوللرى اوزرنده نظارت وقدرتنه شهادت ايدوب طورر ايكن ذات الوهيتك عبادى اوزرندهكى نظارت وقدرتنى انكار ايلرسه الله تعالىك تكوين فطرى مقتضاسيله وصل اولمىنى امر ايتديكى شىء شبهه سز قطع ايتمش اولور . رسولك تبليغ ايلديكى معلوم اولان اموردن برينى بر آدم انكار ايدرسه اوده بويادر ، چونكه رسولك تبليغ ايلديكى معلوم اولان شى اصول اعتقاديدهن ايسه او آدم بو انكاريله دليل ومدلولك ارسنى قطع ايتمش اولدى واكر احكام عمليه دن ايسه بونده دخى مبادى ايله غايتك ارسنى قلع واردر ، زيرا دينك قطعاً امر ايلديكى هر نه وار ايسه جمله سى نافعدر ، انك منفعتى تجربه اثبات ايدر . دينك قطعاً نهى ايتديكى هر نه وار ايسه انك دخى عاقبتى لابد مضر اولور . بو حالده عهد الهى ميثاقندن صكره قطع ايدنلر جناب حقك غايتيله وصل اولمىنى امر ايلديكى امورى قطع ايدن كيمسه لردر ، بو قطع ايسه يا ايمان بالله وايمان بالنبويه نسبت ايله اولور ، شو تقديرجه انلر جناب حقك تكوين و نظام فطرى مقتضاسيله امر ايلمش اولديغى امورى قطع ايدرلر وياخود احكامه نسبت ايله اولور ، بو صورته

انلر جناب اقدسك كتب منزله سنده امر تشريع وتكليف ايله امر ايلديكى امورى قطع ايدرلر - ع
انلر دنياده خسرانلرى بصائر صافيه وفضائل ساميه اربابنه ظاهر در ؛ فقط او خسرانلر اغياسنه نسبت ايله بو خسران ا كثر ناسه خفى قالور . انلر اغيائى خسرانى لذات وحظوظ دنيا ايله متمتع كوررلرده انلرى مغبوط وبختيساران عالم ظن ايدرلر ؛ بونلرك لدنيات احوالى تدقيق اولنسه اضطراب وجدان ، فساد اخلاق ، انحراف صحت ، تعب كسل وعطالت كې شدائد وامراض ايجنده جانلردن بيزار اولدقلرى نمايان اولور . دنياك سعادتى انحق جسم وعقلك صحتى و نفاك ادبى ايله اولوب بو اموره ايسه دين ارشاد ايدر ؛ انلر بو عواطف الهيه دن محروم اولدقلردن دنيا و آخرته خائب وخاسر درلر ؛ بو خسران نه آشكار بر خسراندر - ع

۲۸ - كيف تكفرون بالله وكنتم امواتاً فاحيا كم ثم

يميتكم ثم يحييكم ثم اليه ترجعون .

[جناب اقدس كبريا اوتوثيق اولمش عهد و پيمان الهى يى نقض ايدن وكرك امر تكوين وكرك امر تشريع ايله وصانى امر ايلديكى امورى قطع ايليان فاسقلىره تعنيف وتوبيخى تشديد ايجون خطاب عتابكارى ايله خطاب ايدوب شويله بيوريور : ايها الفاسقين ! سو پله ين باقهم سز] فصل الله كفر ايدورسكز [هانكى حال وكيفيتدن استدلال ايدرك الهى انكار ايلورسكز] كه سز اموات ايديكز [اجزاسى ارضك طبقات مختلفه سنه بٹ اولمش ، حياتسز مواد واجسام ايديكز ، عنصرلر ، غذالر ، اخلاط ، نطفه لر ، خلقى مستين ويا غير مستين لحم پاره لر ايديكز ؛ وبو اطوار جماديتده سز اموات كې ايديكز ، نفخ وافاضه ارواح ايله] سزى احيا ايتدى [اجزاكز ايله اجزاء حيوانات ونباتات ارسنده فرق يوق ايكن سزى احسن تقويمده ، اك بديع شكلده خلق وتصوير ايلديكى كې احسان ايلديكى عقل وادراك ايله سزى سائر مخلوقات اوزرينه تفصيل ايدرك بتون كائناتى سزه مسخر قلدى] صكره [بو حياتكزك باعث نظامى بولسان روح حى قبض ايله] سزى امانه ايدر [ده روحكزك ابدانكزدن مفارقتى ايله ابدانكز طاغيله رق اصل ميتنه عودت ايلر وارضك طبقات وعوالم مختلفه سنده انتشار ايدوب نهايت او ابدانه خاص اولان بو وجود محو و نابود اولور كيدر] صكره سزى [حيات ثابته ايله] احيا ايدر [موتة اولدى دن صكره سزى فصل احيا ايتمش ايسه موتة ثابته دن صكره ده ينه سزى ايله جه احيا ايلر] بوندن صكره ده اكا ارجاع اولورسكز [حيات ثابته ده ارتق موقع حسابيه كتوريلورسكز ، ايشته اوزمان ذات عظمت الهى سزه بو دنياده ايكن ايشله ديكر كز اعمالى خبر ويرر واندن طولايى سزكه حسابلاشور ، ايمدى سزك حالكز بو .. اللهم سزك اوزريكزه فضل وكرمى بو .. مبدأ كز بو .. منتهاكز بو .. اولديغى ، بونلر ايسه نعم عامه اولمق وجناب اقدسك قدرت

اعتراف ایده جگرى شبهه سز بولنديغدن بو علم و اعترافه قدرت و تمکینلى بالفعل علم و اعتراف منزله سنه تنزیل اولنديغی ایچوندر . بو انسان مکرم ، اودرات صغیره ، نطفه مهینه حقیره ، علقه دمویه ، مضغه لحمیه دن احسن تقویمده ، بویه بر شکل بدیعده خلق و ایجاد ایدن صانع ذوالجلال آنی تکرار احیایه البته قادردر . نسخه کبرای انسانده مشهود دلائل قدرته احاله نگاه دقت ایدن هیچ بر عاقل فهم بونده تردد ایتز .

[ترجمون] قول شریفی قرائت مشهورده تانک ضمیله در ؛ بوکا کوره یا متعدی اولان [رجع] دن و یا خود ارجاعدن مضارع مجهولدر . ائمه قراءدن امام یعقوب بوکله یی تانک فتحیه قرائت ایلمشدر ؛ شو حالده لازم اولان [رجع] دن مضارع معلومدر . رجوع ماده سی هم لازم هم متعدی اوله رق استعمال اولنور .

برکت زاده

اسماعیل حق

نسخه سالفه ده تصحیح

صحیفه	ستون	سطر	غلط	صواب
۱	۱	۷	مثالو	مثالی
۱	۲	۳	امثال	امثالی
۱	۲	۱۰	دویدان	دویدان
۱	۲	۱۲	تأثیره	تأثیره
۲	۱	۳۴	دارفی	رازى
۳	۲	۱۴	قالقده	قلمقده

تأمله سنده دلائل ایلمک حیثیتله ایمانه داعی و کفر دن زاجر شون عظیمه دن بولنديغی ، سزکده بواحواله علم واطلاعکیز انضمام ایلدیکی حالده فصل اولیورده کفر بالله جراثیب اولیور و سزه دلائل توحید و نبوتی تبلیغ ایلر ، شرک و معاصیدن سزی تطهیر ایدر ، سزه تعلیم کتاب و حکمت ایلر ، حیات اولی کزده مصالحکزه و حیات ثانیه کزده سعادتکزه دائر بیلمدیککیز اموری سزه اوکره در ایچکزدن سزه بر پیغمبر کوندرمش اولدیغی استبعاد ایله انکار ایدیورسکیز ؟]

بو آیت کریمه ده واقع [کیف] کله سی استفهام انکاریدر ؛ فقط « کیف یكون للمشرکین عهد عند الله و عند رسوله » نظم جلینده اولدیغی کبی وقوعک انکاری معنا سنجه دکل ، بلکه واقعک انکار واستبعادی معنا سنجه در ؛ و صانع قادرک وجودینه دلیل آفاقیدن ماعدا دلیل نفسی دخی دلائل ایلدیکی حالده کفره نک کفر بالله قیام و تصدی ایتلرینه تعجب ایتدیرمک ایچون وارد اولمشدر -- س ش .

« ثم یمیتکم » قول شریفنک متضمن اولدیغی امانه نک دلائل قدرتن بولنديغی ظاهر ؛ فقط نم صره سنده تعداد بیورلمسی حیات باقیه و نعمت عظمی بولنان حیات ثانیه یه وسیله اولدیغنه مبنی در -- س .

کفره احیاء اخیری و رجوع الی اللهی انکار ایلدکاری حالده بولرکده کنیدیلرینک اعتراف ایلدکاری امور عدادنده ذکر اولمسی ، کوزلری اوکننده بولنان دلائل قدرته امان نظر ایتسدر بورالریغی ده

التجید الصریح

لاحادیت الجامع الصحیح

۱۳۶ - حدیث شریف

عن عبدالله بن عمر رضی الله عنهما قال كانت الكلاب تقبل وتدبر [۱] في المسجد في زمان رسول الله صلى الله عليه عليه وسلم فلم يكونوا يرشون [۲] شيئاً من ذلك .

[۱] بعض روایته (تبول و تقبل و تدبر) دیه ضبط ایداش ایسه ده (تبول) زیاده سی ثابت اولامشدر . [۲] برروایتده (فلم یکن یرشون) .

۱۳۷ - حدیث شریف

عن ابی هريرة رضي الله عنه قال قال رسول الله صلى الله عليه وسلم [۱] لا يزال العبد في صلاة مادام [۲] في المسجد ينتظر الصلاة ما لم يحدث .

[۱] برروایتده (قال قال النبي صلى الله عليه وسلم) . [۲] برروایتده (ما كان) .

۱۳۸ - حدیث شریف

عن زيد بن خالد رضي الله عنه قال سألت عثمان بن عفان

۱۳۶ - ترجمه

عبدالله بن عمر رضی الله عنهما شویله دیدیکی زوایت اولنیور : رسول الله صلی الله علیه وسلمک زمانده کوپکیر مسجدک ایچنده کیدر کلیردی ده بوندن طولای (مسجدی ییقامق ایچون) هیچ (صو) سه بملردی ،

۱۳۷ - ترجمه

ابوهریره رضی الله عنهن رسول الله صلی الله علیه وسلمک : « برقول مسجدده نمازه منتظر اولدجه هپ نمازده در . مکرکه کنیدیسنندن حدث واقع اوله . » بویوردیغی روایت اولونیور .

۱۳۸ - ترجمه

زید بن خالد رضی الله عنک شویله دیدیکی روایت اولونیور : عثمان بن عفان رضی الله عنهن صوردم ، دیدمکه : (برکیمسه)